

## Preziadas commembras

Duront las vacanzas da Nadal ed egl onn niev han la Romana Deragisch e la Nicoletta Marino cun siu team da gidonters organisau ensemen cun la IG Tujetsch in cuors da troccas per entscheviders. Quels cuors ein adina in bi temps per la sentupada d'indigens cun ils hosps. Igl ei in cuors che vegn frequentaus bein. Engraziel fetg a ti Romana ed a tiu team.

Il schaner havein nus giu nossa tscheina comunabla dalla suprastonza. Era envidau havein nus la Sonja Decurtins che meina adina per nus ils suentermiezdis da troccas.

Era il schaner fuss stada la sentupada dallas valladas. Displascheivla-mein ha negin da nus saviu ir.

La fin schaner havein nus giu la spassegiada da glina pleina. Nus essen i naven da Tschamut tochen Rueras ed havein priu el Mountenloge in sitg.

Enteifer la suprastonza havein nus giu 5 (19.2.24; 14.5.24; 19.8.24 e 14.10.24) sesidas.

Ursula Deplazes e sias gidontras han organisau il di dall'oraziun mundiala l'entschatta mars en favur dalla Palestina. Engraziel fetg per vossa lavur.

Nus havein organisau il di dallas dunnas ils 8 da mars in apéro. Las pintgas spisas ha la cuschina dalla Puntreis creau per nus. Ellas han gustau grondius. Nus essan stadas pli paucas dunnas che avon in onn, denton eis ei stau ina biala sera.

Ils 16 da mars havein nus menau atras la radunoza generala el hotel Mira.

La Sonja Decurtins ha menau atras 10 gadas il suentermiezdi da troccas per nus. Engraziel fetg per quei sustegn.

Per las candeilas da Pastgas haiel jeu creau il motiv sin las candeilas. Cun mias bunas gidontras havein nus ornau duront dus dis las candeilas. Engraziel per vies agid.

Avon Pastgas ha la Petra organisau da far lieurs da Pastgas per affons dalla scoletta e la scola primara tochen la 3. classa. Duront che las lieurs ein stadas en fuorn, ha la Ladina raquintau historias.

Dalla radunonza cantunala a Tavau havein la Petra ed jeu fatg part.

Il zercladur ha la radunonza dallas delegadas dalla Svizra giu liug a Cuera. Perquei ch'igl ei stau aschi maneivel sun jeu ida. Igl ei staus interessant da mirar tgei che marscha en auters cantuns.

Duront il zercladur ha giu liug la fiasta dil vitg a Rueras. Nus havein vendiu in massa pettas, perquei havein nus fatg in bi gudogn. Engraziar vi jeu a tut las dunnas che han fatg ina petta ni che han gidau quei di.

La Sandra Zweidler ha menau atras per nus divers cuors da "Fussreflex-Massage" la primavera ed igl atun. Dus da quels hai jeu mezza visitau e per mei eis ei staus fetg informativ.

Il viadi dall'uniun da dunnas che fuss staus previus igl october havein nus stuschau sil schaner perquei che nus vein giu problems dad anflar in termin.

La Katrin Mirocha ei stada a disposiziun per nus da far in cuors rinforzar il sistem d' immunitad. Deproblamein havein nus giu memia paucas annunzias.

El november ha la Petra organisau ina sera da kino cun in film "Der Zopf". In film che há tuccau il cor. Cun 22 aspectaturas ei quei stau in success.

Il 4 da december havein nus zambergiu regals da Nadal cun ils affons dalla scoletta e dalla scola primara. Igl ei stau in carin suentermiezdi cun ils affons pigns. Engraziar vi jeu aunc all'Uschi che ha saviu segidar spontanmein.

La via d'Advent han la Alice Deragisch e la Irma Monn organisau per nus. Els han fatg ina grondiusa lavur. E las finiastras dalla via d'Advent ein stadas fetg variontas. Il 26 da december havein nus organisau ina spassegiada comunabla dad ir la via d'Advent. Engraziel fetg als expositurs ed era alla Alice ed all' Irma.

Ulteriuramein havein nus organisau il suadont:

- purtau in regal als nievnaschi.
- purtau fluras allas giubilaras da 80, 85, 90 e 95 onns.
- susteniu in padrinadi da World Vision Svizra per igl affon Aarone ASANDI
- organisau ina gliesta da babysitter
- cuors da romonsch per entscheviders ed avanzai (menau da Carla Flury-Nay)
- cuors da tudestg per entscheviders ed avanzai (menau da Nadja Soliva e Nicolina Cathomen)
- cuors da engles (menau da Kayleigh Brugger)

In grond engraziament per tut las pettas che nus astgein adina puspei dumandar da far.

A tut las dunnas che segidan sin ina moda ni l'autra pil beinstar da noss'uniun in grond engraziament

Engraziar vi jeu era allas autoritads communalas per il sustegn finanziel.

Per finir lessel jeu era engraziar a mias collegas dalla suprastonza per la buna collaboraziun. Engraziel fetg, fetg.

Cavorgia, ils 7 da fevrer 2025

Nicole Solèr